

騰

越

鄉

土志

卷五



騰越鄉土志

氏族

騰民氏族半起於衛秩明洪武中徙中原大姓以實邊其時從軍伍而耒者多江浙湖廣四川江西人流寓既久子孫遂占騰籍故欲考其氏族當先詳乎衛秩惟新舊志已經備載不贅述茲僅就族寬者採登數十姓以誌緣起  
陳姓係舜後封於陳故姓陳明正統中有陳昇者江南合肥人由金齒司調任騰衝正指揮傳銘珙

騰越鄉土志卷伍 氏族

印効于陞等至夢熊世彥時為偽秦王部下偽總兵楊武諸人所陷害閤門羅害夢熊第三子世培復代父受杖斃幸其孫洪圖壯圖逃免後永歷如滇沐國公疏請以壯圖繼祖職

國朝因之壯圖之後有陳琮者中雍正壬子科武舉琮傳相虞相虞以下凡五六世散處於城鄉計自昇到今約十七八代矣

又陳欽湖廣瀏陽人成化五年自蒙化衛調騰協守傳輔儀廉九疇嘉言龍鳳等與昇固淵源各別





隆慶時復有陳彝典者中辛未科進士官員外郎與欽是否一族未敢臆斷也

張姓系出金天氏少昊第五子始制弓矢因賜姓

張明洪武間有張正者原籍湖南長沙府湘陰縣

人以總旗到騰居於城南和順練崇禎中有張鳳

翔仕為崇陽縣知縣本

朝光緒間有張成濂中己卯科舉人署廣西柳州府

來賓縣知縣張德洋中癸卯科舉人子孫稱盛焉

又有張孝者乃貢生張鐘元庚子辛丑恩正併

騰越鄉土志卷伍 氏族

科舉人張映瀛之始祖也原籍江南上元縣人以

千戶隨沐英於洪武初來滇遂家於騰越代傳忠

厚迄今歷十七八世矣其餘張姓甚多雖籍貫各

殊而得氏之由初無或異

賀姓系出慶氏齊公族慶父之後漢慶純避帝父

清河王諱乃改姓賀明萬曆間有武畧將軍賀懷

川者原籍湖南衡州府人遊宦至騰遂家焉七傳

至提督銜署貴州威甯鎮提兵遵義協副將賀朝

崗咸豐年奉調援黔勦辦苗匪因傷身故事



聞照提督陣亡例賜恤賞葬銀八百兩世襲騎都尉  
其長子時昌藍翎都司歷署騰越鎮中營順雲協  
右營守備次子時雍中庚子辛丑恩正併科舉  
人揀選知縣計賀氏到騰約十餘代不僅居南城  
一隅大董龍江盞西均有其族焉  
楊姓系出於姬周宣王子尚父封於楊已有楊氏  
後晉武公子伯僑食采於羊舌為羊舌氏至叔向  
更封於楊前明有楊亦者原籍湖廣長沙府寄籍  
南京應天府從征來騰授職守禦千戶沒葬干歲

騰越鄉土志卷伍 氏族

三

山封武略將軍傅春山龍副千戶及琳溥應奎集  
其子孫敬居瓦甸天西古永今乙酉拔貢楊潤富  
即其後也又楊慶原籍江西撫州府臨川縣人以  
進士出身歷官騰衝府知事遂家於騰之小西練  
其子楊保授千戶世職傳至守身於嘉慶己卯科  
中式武舉後裔則散居北練和順龍江蒲窩等處  
迄今約二十餘傳外城保一支為訓導楊金森之  
祖所傳大董一支為增生楊澤新之祖所傳長洞  
一支為廩生楊宗震武生楊鉅美等之祖所傳騰



中楊氏亦多支分派別攷宗譜者宜詳辨之明姓  
系出譙明氏東周時復有秦將孟明視之後因名  
為姓亦姓明焉勝國初有明恭者以指揮立職於  
洪武初奉調未騰卜居於小西嗣散處龍江各練  
文武科名間代有之武舉則有明之屏中萬曆甲  
午科明若鑑中嘉慶戊寅恩科明顯揚中道光  
辛巳恩科文舉則有明鐘琦中光緒壬午科迄  
今二十四傳約二百餘戶

騰越鄉土志卷伍氏族

四

故姓劉劉累是也一出姬姓周定王子劉文公後  
是也明初有劉克修者江西吉安府安撫縣人以  
指揮恭將洪武間由南唐防營奉調未騰遂家古  
永迄今十七傳約共百六十七戶從一品封典花  
翎記名提督護理騰越鎮劉光瑛係十三代孫其  
子總兵銜恭將劉明欽十四代孫也又一支住和  
順其先四川人傳劉宗鑑中壬午科亞元一支住  
城保祖籍係南京傳劉濟泰祖籍係南京四川補  
用同知其侄劉德馨授廣西柳城縣知縣署西隆



州知州此外城鄉劉姓甚繁支派各異未能覩縷也

寸姓令尹子文之後食邑於爨故姓爨滇有晉臨太守爨寶子此其一証也嗣由爨改寸原籍南京應天府移居於四川重慶府巴縣良里灘明洪武間其始祖慶以千戶隨沐英定滇乃占籍騰越卜宅陽溫敦村順即和生五子成亨通堅賜卺宗朝有名居敬者捷南宮今梓潼移守浙江杭州府自是科名不絕寸氏竟為此都望崇禎中寸曜盤中丙

騰越鄉土志卷伍氏族

五

子副車鴻盤列拔萃迨十世祖澹以明經仕為嵩明州訓導晚年設教洞平鄉人愛之遂居焉本

朝

乾隆中則有寸式玉中丙午科舉人光緒間則有

寸性安中己卯科補行丁卯科舉人寸開泰中己

丑思科舉人乙未成進士點主政籤分刑部山

東司行走改官貴州署安順府安平縣知縣辛卯

科復有寸輔清中式舉人武則有署騰越鎮中營

守備寸大進其餘歲貢廩增附監代不乏人未易

更僕數計寸氏於勝國初由蜀到騰迄今歷十九



代雖無赫功而一祖所傳多至數十百戶不可謂非盛矣

吳姓系出姬氏武王封泰伯弟仲雍曾孫周章於吳其後子孫以國為姓明初騰中有吳璋者字廷猷號執齊中嘉靖四年乙酉科舉人授長壽縣教諭曾過浙問學於王陽明先生之門居三年所養益邃教人以知行合一學者宗之後有吳宗堯號協卿嘉靖癸卯舉人歷任馬湖延平同知所至有聲終養歸嘗從湛若水蔣信遊誦明正學二人均

騰越鄉土志卷伍 氏族

六

入祀鄉賢祠後人之食報正未有艾也又丁酉拔貢吳嘉祿曾祖系出丁氏先是有丁仁爵者以鄉貢大批未官雲南陞任麗仁府在任病故其子甫三齡因過繼於同寅守備吳秉常為子名吳沛官亦至守備於乾隆五十三年奉調帶兵至騰征猺黑陣三得襲雲騎尉世職子孫遂家於城南焉騰中不僅此三支記其大槩而已

李姓係出理氏皋陶之後世為虞夏殷理官子孫以官為氏有理利貞避紂於苦縣居李樹下改姓



李前明洪武間有李景者南京應天府上元縣人  
奉調征雲南協傅友德來騰任綺羅後分居清水  
大西明朝各練約共千餘戶舉人李承恩含英含  
瑞沾澤花翎副將銜補用叅府前署騰越鎮中軍  
遊擊李珍國皆其後裔迄今十七世矣又城保二  
支一為監生李郁生之祖所傳其先亦南京人始  
祖忠英洪武間至騰授指揮使司承襲八代至十  
世正芳樂施與其子紹白歲貢生孫二長朝徵歲  
貢次朝元廩生一為癸卯科舉人李德沛之祖所

騰越鄉土志卷伍 氏族

七

傳餘則支派既多難以枚舉統計騰屬約數千戶  
之譜

王姓其系有四一為周靈王之後一為田齊之後  
一為魏信陵君子孫一為王子比干後裔皆姓王  
氏騰中王姓亦繁一為廩生王相臣之始祖原本  
戴氏蜀人查居安岳傳至子道者義士也明廷崇  
尚邊功凡曾隸軍籍之後人皆令赴滇征迤西諸  
夷比鄰王氏僅一子應在遣中母子不忍離旦暮  
悲號子道聞而憫之力為營脫不得乃慨然頂其



姓名從軍到滇以功晉職都司署大理城守營守  
備嗣因岳鳳甸緬兵入犯奉調援勦每戰克捷直  
抵木邦猛卯瑞姑各地積勞身故其子孫遂家於  
騰世龍屯田校尉迄今十三世矣又三支一為舉  
人王開國之祖所傳一為貴州補用同知王百銳  
之祖所傳皆居城保一為副將銜王文榜之祖所  
傳居西練外各鄉練不少王氏祇縣林衍考世族  
者宜尋流以溯源庶不致數典忘祖也

騰越鄉土志卷伍 氏族

城賜姓趙氏其後叔帶仕晉至趙夙世為晉卿傳  
趙籍始分晉為諸侯騰越趙氏半來於前明散居  
大董和順西練等處大董一支任吳邑為舉人趙  
端禮之祖所傳科名占三卯如趙文孫中乾隆乙  
卯趙詒孫中嘉慶己卯事見新志卓行內端禮中光緒己卯  
是也和順一支為恩貢生趙聖昌之祖所傳西練  
一支為五品封典趙純襄之祖所傳雖非出自一  
祖而溯天水之淵源未嘗不同揆也

郭姓系出周文王季弟貌亦為周卿士有大勲勞



封於號或稱郭公因以為氏代有偉人至前明有  
郭登者係武定侯郭英之孫江南定遠縣人正統  
中奉調未騰隨王驥征麓川以功擢錦衣衛指揮  
僉事加封定襄伯遂家於騰焉傳二世海三世榮  
莫四世查甯五世花六世旻七世孔修八世楨九  
世鑑均罷百戶職子孫分駐於龍江小西大西綏  
箐北練古永盞西等練其科名舉人則有郭文威  
中萬曆乙酉科由湖廣松滋教諭擢四川江安令  
歲貢則有郭大汾大章景汾例貢則有郭文灼自

騰越鄉土志卷伍 氏族

新有光職員則有軍功都司銜實任固東汛郭世  
陽軍功藍翎州同銜加捐封典實任陰陽學郭世  
業衛千總銜郭世珍郭金孝生監甚多不及備載  
亦可謂騰之巨族也

胡姓系出媯姓陳胡公之後滿支子以謚為氏故  
姓胡騰之有胡氏自前明始越數傳而至胡璉胡  
璇兄弟皆登第連中天啓辛酉舉人崇禎戊辰進  
士官員外郎璉原名璋中崇禎庚午舉人甲戌進  
士官太僕寺少卿



國朝康熙間則有胡啟文中丁酉科武舉其後裔敬  
居於大董練胡家灣莊煙村等處迄今約十八九  
代矣

騰越鄉土志卷伍 氏族



騰越鄉土志

宗教

回統教

騰越同間迭遭兵燹人民離散至今三十餘載元氣初復僅得道光初年戶口之半通志載道光三年四萬八千五百十八戶三十七萬三千而回教猶稀城保鄉練約四百餘戶諷經禮懺奉摩罕默德教者約千人其有崇儒教業商賈者數居十之七衣服起居與齊民等惟飲食婚禮小異耳

騰越鄉土志卷伍 宗教

耶穌教

光緒壬寅夏騰越開英領事先至賃居城內昭忠祠越四年乃市東門外叛產建署落成遷居之初亦議立耶穌堂後以夷漢雜處客民雲集教堂立恐奸宄藉以煽惑釀成教案故至今未設天主教無



騰越鄉土志

實業

士

前明指揮陳鑑請設騰衝司學始置弟子員至國朝嘉道間應童子試者多至八百餘人歲科考試及習舉業者將慮額少人多經咸豐回逆搆變士類漸稀光緒初年同知陳宗海蒞任學校振興士氣復蒸蒸日上今改來鳳書院為高等小學堂士之入各處學堂肄業者不下千餘人其外公立學

騰越鄉土志卷伍 實業

十二

堂半課童蒙數迨過之由士而習商務者尤不乏人

農

騰俗敦樸重農城保而外遠近鄉練有二兼農商兼農士兼農者服田力穡幾於無戶不耕近練每歲種穀一次遠練則有雜種蕎薯芋類者十年中米價漸昂民乏趨於農事者日見其多綜而計之約四萬餘人耕種未耜仍守舊規尚無農學校

工



工有四一金工有銀工銅工鐵工錫工製紋銀手  
飾刀鍋耒耜及日用什物約共二百餘家二玉工  
製朝珠手鐲簪珥各玩器琢磨之聲達晝夜衛通  
衢居肆成事者數百人散處村落者數千家三木  
工四石工有以農而充數者農隙時多至三千人  
常則僅及其半有自大理劍川來者尤精雕鏤資  
員運以時未往歲至千餘人外如瓊毯棉紙瓦疋  
等工粗瑣瑣細不能枚舉惟編笠女工過於紡織  
鄉人業此者約有二千餘人

騰越鄉土志卷伍 實業

十三

商

騰才百餘里南城外為市場屬騰者有七土司外  
則思連英緬商賈雲集由南而東至龍陵由東而  
北至永關榆省以及川廣各省有寄跡者以騰六  
萬餘丁口計之商家當過半矣若出入口貨別詳  
商務類茲不贅載